



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Eyn vnderredu[n]g vom glawben/**

**Kromer, Michel**

**[Erfurt], [1523]**

**VD16 U 185**

[Text]

**urn:nbn:de:hbz:466:1-32214**

geschreyben/ in weyße wie ergangen/ mit welchem ich ewer Erbar-  
keye aus Christlicher gunst vnd lyebe/ wyll vorehrt haben/ byt auch  
den selben von myr gunstiglich anzunemen/ Den ich ewer erbarkeye  
allezeyt nach allem vermogeun gern dyene/ Hyr mit euch mit allenn  
frommen Christen/ der gnaden Gottes befehle.



## Jacob Judischer Rabie/ reyth in

seyne geschafften kumbe zur herberg ynß Richters hauß/ der pfar-  
her finde yn vnd syhet yn für eyn kauffman an/ vnnnd erkent yn doch  
für eynen Juden/ redt erst mit ym von der landt art/ hebet mit yhm  
auch an zu redenn auß dem alten testament/ Jacob gybt yhm gute  
antwort mit verborgenen wortthen/ das er doch vonn denn myt-  
fessern nicht wollt vermargkt werdenn/ die weyl der Pfarher seyn  
schaw vormergkt hylffe er yn vordecken/ vnd nent yn eyn kauffhern  
das er denn abent nicht erkant warde/ Jacob erkant des Pfarhers  
gute meynunge/ erlanget gunst zu ym/ Byt yn nach vieler vnderre-  
dunge das er auff den morgen mit ym eyn essen visch helffe essen eher  
reythe. Jacob lest denn Pfarher auff den morgenn widder forderenn  
welchs ym der Pfarher zu willen ist/ Hebt an vnder andern wortten  
Jacob wyr waren gestern frölich in der schryefft/ vnderretten vnns  
in vielen Artickeln. Jacob. Kans doch heut auch geschehen/ meyn  
knecht ist mir krank worden/ ich mus auffseyen besserung wartten/  
darauffbringen ich euch eyn trunck. Pfarher. Jacob ich hab noch  
wenig gessen/ ydoch mir zu in Marien namen/ der Jud schutte den  
kopff/ vnd wolte nicht tryncken/ welches so der Pfarher vormarckt  
seyn Judischen sytten verandert ym das wort/ myr zu ynß heyligen  
geysts namenn/ Jacob tranck vnnnd was zu frydenn/ Als er nun ge-  
trunckenn hat/ lachte er vnnnd spott des Pfarhers vnd sagte/ Yr seyt  
myr seltsame leuthe yr Christen. Pfarher. Wie so. Jacob. Yr habe  
eynen Vatter/ vnd eynen Son/ auch nennet yr eynen heyligen Geyst  
vnd yr wyßt das yr sollte alleyn eynen Gott ehren vnd anbetten/ wie  
Exodi am. iij. Vnnnd deutronomij am. vi. capitel sehet. Pfarher.  
Jacob verstehe mich recht/ Ich sage auch von eynem Gott/ Aber  
ich sage das es drey person seindt in eynem Gotlichen vnnnd ewigenn  
wesen. Jacob. Das will ich auß der schryefft bewert vnnnd ercleret

2 ij

Darr/  
24.  
Dard  
12.



habenn. Pfarher. So du sagest vonn dreyen person/ die du auß der  
schryeffte wille bewert habenn/ do von haben wyr in Mattheo am  
Mat. 3. 13. capt. Das die hymell vber den son Gottes seindt geöffent worden  
Vnd der geyst Gottes ist vber yn abgestyegen alls eyne raube/ vnd  
eyn stymme vom hymell sagende/ Dyß ist meyn lyeber sonn/ in wel-  
chem ich eynenn wolgefalleh hab. Jacob. Lachte abermalls ver-  
spottet das Euangelion/ vnnnd wolles nicht zulassenn/ vnnnd wolle  
schryefft habenn auß denn sunff buchern Mofi odder Prophetenn.  
Pfarher. Wyr haben clerlich im ersten buch Mofi/ das Gott hate  
beschaffen hymell vnd erden/ vnnnd der geyst des herin sey getragen  
auff den wassern. Aus welchem clerlich ist das eyn heyliger geyst ist  
Gene. 2. auch so habet yr Gen. am ij. das die gotheyt hat gesprochen/ Wyr  
wolln machen eynen menschen nach vnserm byldenys/ welche wore  
ye nicht auff eyn person/ sunder auff mehr sich deutchen/ Auch so  
werde ich vnderriete von den die das Hebreysch im besser verstande  
haben dan ich/ das sich das Hebreysch sunderlich vnnnd im bessern  
verstant auff die dreyfaltigkeyt der person zeuget/ Des gleychen Da-  
Psalm 32. uid im. xxxij. Psalm zeiget er auch an die dreyfaltigkeit der person do  
er saget in dem worde des herin/ seindt die hymel beuestiget/ vnnnd in  
dem geyst seynes mundes sey all yr krafft/ Kan ich alhy durch denn  
herin nichts annders verstehen dan Gott denn Vatter/ durch das  
Joan. 1. wort dan gott den Sonn/ durch welchs er alle ding gemacht hatt/  
vnd durch den geyst seynes mundes/ auch nichts anders dan gott  
den heyligen Geyst/ welche drey person ich sampt allen Christen be-  
ken vnd glaube in eynem ewigen Gottlichen leben vnd wesen/ vnnnd  
nicht wie du verstehest von dreyen Göttern/ Sunder es ist eyn Gott/  
Darumb frage ich dich auff's erst buch Mofi wie gehout/ warumb  
stehet hye/ Wyr wolln machen eynen menschen/ vnd nicht Ich wil  
machen/ was wolten yn diese wort anders mehr dan anzeygen das  
mehr dan eyn person sey/ ydoch wie gesaget in eynem Gottlichen  
wesen/ Vnnnd frage dich vorß andere warumb sich Gott hye yhree  
vnnnd auff andern orten gemeyniglich alls weye die ganze Biblen/  
heyst er sich du. Jacob. Ja heystenn sich doch Könige/ Furstenn/  
vnnnd andere hern auch yhr. Pfarher. Eynen Abt heyst mann auch  
yhr/ nicht von seyner person wegen/ sunder von wegen eyns ganzen  
Conuents/ also anndere Könige/ Furstenn/ vnnnd herin/ auch von  
wegen yrer vnderthanen/ So ist es auch gewyß das alle gewalle vñ  
Gotte ist/ wie alle Könige/ Furstenn zc. sich in yren eyell bekennenn/



wo sie sich schreyben Könige/ Fursten zc. von gots gnaden/ Auch  
nach vnserm verdienst gybt vns Gott Regenten auff erden/ man  
muß oder gleych woll den selbigenn vnderthenigt seyn/ wie sie vnns  
Gott vorordenet/ sie seindt gut oder boß/ Die guttenn zu eyner belo-  
nung/ die bössen zu eyner straffunge vmb vnser sünde vnd vnge-  
horffams willenn/ aber Jacob du mußt mir nicht leyliche dinge in  
geyliche zihen/ Jacob gab nicht antwort drauff/ Sunder bracht  
vor das Gott hatt verbotten bylde zu machen/ zeyget an Exodi am  
xx. vnd Leuiti. am xxvi. Pfarher Es stehet auch im Psalter/ psalm  
lxxx. vnd xcvi. Jacob. Hyrynne seyt yr viel erger dan die heyden  
die weyll yr nun wyßt/ das es vnrecht ist/ vnd von Gott verbotten  
warumb laßt yr sie dan zu. Pfarher. Es habenn die Concilia nach  
gelassenn vnd fur gut angesehen/ Auch das es sollenn der leyhen  
bucher sein/ ydoch/ so bynn ich nicht eyn Bapst/ auch nicht meynn  
eygenn herze ab zuthun was ich will des gleychenn auffzurichtenn  
hyrynne ist der Pfarher vnd Jude woll zu fryden gewest vnd ge-  
meynde auch mit der gschryfft erhaltenn/ das es besser were man  
hette nicht bylde/ dann bylde/ Aber der Oberkeyt heym gegeben.  
Pfarher. Jacob was sagestu von Chrißto? Jacob. Ich sage so  
viel von yhm als von eynem andern menschen. Pfarher. Ir seyt  
doch auß dem bluet Chrißti/ vnd mußt mir yhn vor einen gebornen  
Juden bekennē. Jacob. ya ich lauckens nicht das er ein Jud gewest  
ist/ vnd aus vnserm bluet/ vnd nicht wyr aus seim blutte wie yhe  
saget. Pfarher. Du redts recht Jacob yr seyt nicht aus Chrißtus  
natur/ Sunder auß natur die mitt sundenn vergyfft ist/ wellichs in  
Chrißto keynn stat gehabt hat/ warumb leßt du myr yn nicht Gott  
vnd mensch sein? Jacob. Wie wollt yr mir Got sterblich machen/  
so nichts gewisser ist dann Gottes almechtigkeyt/ sein ewiges leben  
vnd weßen/ die weile dan Chrißtus/ geborn/ gelebt/ vnd gestorben  
ist/ als andere menschen/ wie yr selbst vnder euch bekent/ wie magt  
er dann Gott sein? Pfarher. Ich sage nicht das Gott gelyden hat  
sunder die menscheyt an yhm/ die er vmb vnser willenn empfangen  
hat. Man weyß ye woll/ auch glaubens alle Christen/ welliches du  
als ein Jude auch bekennen mußt/ das die Gottheyt ist von anbegyn  
vnd bleybe vnuerseht ewiglich/ Du hast Gen. am ij. c. wie got die  
menschen so erlich erschuff vnsterblich/ so er das gebot Gotes hylde  
auch yn vorsach zum ewigē leben/ macht yn gewaldigt ober als das  
er erschaffen hat/ Auch beschufft ym ein weyb/ von eym gerip aus  
21ij

1. Petrus  
2.

Hebräer  
1.

Gene.  
2.



seyen leybe/ Vnd gab ym zu essen gewalle von allem Obes/ allein von dem bawm mitten im Paradyß verbot er ym zu essen/ ist das war. Jacob. Es ist die schuefft. Pfarther. Diweill du mir die gschuefft bekenst/ so weistu woll das sich Adam vnd Eua gegen Gott unges horßamlich erzeygten/ vnnnd durch rath der schlange/ Auß welcher ungesweyffelt der teuffell rechte/ das gepot Gottes vbertratten dar durch auch Adam vnd Eua mit allen yren kinden in Gots vngnad komen/ Du hast auch Gen. am iij. ca. wie Adam vñ Eua vor gots gerichte geladen wurde/ für welchem sie in vnaussprechlicher angst vnnnd not stunden/ vnd erhorten do die vermaledeyung Gottes vber sie zu gleych der schlange ergehen/ wie werß anders möglichen gewest Adam het muß verzweyffeln die weil er sach got selbs wider yn stehen Aber got der ist vnuerwädelt in seinem gotlichen radt/ in welchem er Adam mit seinen kindern selig vorsehen hatte/ Die weill Adam nur in Gottes vngnade/ vnd ynß teuffels gewalle gefallen was/ verlest yn Gott nicht ungetrost/ wie dann die eygenschafft Gottes ist/ Die verlossene zu trösten/ vorseheth yn diesen Chrustum von weybs sament der der schlange soll yren kopff zu treten/ vnd yn vonn des teuffels gewalle vnd banden erlösen/ So mustu mir ye zu lassen das Chrustus wyrdt mehr sein dan ein ander mensch/ der Adam alhye im Paradyß vonn Gott versprochen wirt/ sindtemaller ober den teuffell soll gewalle haben/ dan alle andere menschen müssen sich sunder bekennen/ wie David saget. Psalm. c. xv. Auß das dyß Euangelium Gotlicher zusagunge deste vester im glauben gecyrieben wurde/ komet Gott zu Abraham vnd verheyst ym diesen Chrustum/ auch Genesis am xv. ca. sagende/ In deinem sament sollen alle Heydenn gesegnet werden/ Sollen nun alle Heydenn in diesem sament gesegnet werden/ Volget hyrauß das sie außserhalb Chrusto ungesegnet seindt/ vnd die natur eytell ungesegnete fruchte treget/ Auch durch denn cynigen sament Abrehe (verstehe Chrustum) müssen gesegnet werdenn. Hyrauß nur aber volget/ das nur eyns weybes sament sein wirdt/ die weill alle kinder die von mannen gezeuget werden/ mogen nicht ane sünde empfangen werdenn/ vmb des vorgyfften fleysch willen/ das sein werck ane sünde nicht aufrichten kan. Derhalb sie alle verflucht in sünden vnd vnder dem teuffell seindt die von menschen empfangen/ vnnnd geboren werden. Jacob. So es also ist/ wie yr saget/ so volget das das weyb/ das diesen geberenn soll/ auch nicht vonn eym menschen sehen kónnen ist/ sunder von eym andern outh/ dumm saget mir wo

Gene.

3.

z. Co:

4.

Gene.

20.

Salla.

3.



kümbt dan dyß weyb her? Pfarher. Wo seindt alle menschen anders her kommen dan von Adam/ welcher vnser aller erster vater ist. Jacob. Tragen nun alle menschen verfluchte fruchte/ die vō Adam her kommen/ wirdt ye dyß weybes bylde/ sampt andern Adams kindern verflucht/ vnd in sunden gewest sein. Pfarher. Du bekennst das Gott almechtig ist/ vnd von nichts etwas machen kan/ magt er dan nicht auch auß eym sunder/ einen gerechten machen/ Auch vor sunden fürbehaltenn/ wie es dan hye mit diesem weybs bylde vngewiß zweyfelt geschehen ist/ dann Gott ist almechtig/ wunderbarlich/ vnd heylig/ in allen seinen werckenn/ Auch seindt yhm alle ding möglich/ wir wolln Gott nicht in seine gerichte fallen/ vnd dauon handeln das mir vnd dyr verborgen ist/ Ich handell mit dyr von der zusagung die den vetteren Adam vnd Abraham von Gott geschehen ist. Von dieser zusagunge hastu auch im andern buch der könige am vij. ca. do redt Gott also zu David/ wan dein zeyt auß ist/ vnd mit deinen vetteren schleffest/ will ich erwecken deinen samenn nach dyr/ der von deinem leybe wirdt komen/ vnd will sein reich bestettigen ewiglich/ Ich wil sein Vatter sein/ vnd er soll mein Son sein/ Dan keynen son kunde David erwecken von seinem leybe do er todt was/ wole du selbst zu ermessen hast/ Aber diese worde deutten sich alle auff vnsern heylande Christum/ vnd frage dich wie vor/ warumb du mir yhn nicht lebest Gottes son sein/ die weill hye clerlich stehet/ er wirdt sein Vatter sein. vnd er wirdt sein son sein/ Auch an eym andern ort/ nemlich am andern Psalm. Der herr saget zu mir du byst mein sonn heuch gebare ich dich/ Dyß wort heuchzeyget an die gegenwertige zeyt/ welche Gott sich im aller besten eygent. Jacob. Ich byn auch Gottes son. Pfarher. Glaubstu so ist es war/ dan es steht geschriben/ Er hat yn gegeben gewalt zu werden kinder Gottes/ dan die do glaubenn in seinen namen. Aber es ist anders/ naturlich son Gottes zu sein/ vñ geystlich son Gottes zu sein. Darumb durch den glauben werden wir geystliche kinder Gottes vnd erbnemer mit Christo/ also lasse ich auch zu das du ein geystlich sonn Gottes byst/ So du ann Christu glaubest/ ich sage aber das Christus ein naturlicher son Gottes sey/ welchen Got der vatter aus gnaden vñ barmhertzigkhey in die walt gegeben hat/ das er die walt sollte selig machen/ auch weyßstu das man nyemands soll anbetten dan allein Gott/ vnd es steht von Christo geschriben Psalm. cxvi. Yn werden anbetten alle engell die will die engell den Gottes willen wissen/ vnd erkennen auch wol

2. Reg.  
7.

Psalm  
131.

Psalm  
2.

Joā. 16

Titum  
4.

Jo. 3.

Deut.  
6.

Psalm  
96.



die Götlichen gnade vnd weyßheit/wie werden sie yn dan anbetten/  
dieweyl er nicht Got ist wie du sagest. Jacob. Es ist noch vnerkant  
wo man des Propheten wort allhye hyn deutthen soll/ sie mögen  
sich woll auff den Messias deutthen. Pfarher. Meynsud dan  
nicht das Christus Schilo/ oder Messias sey/ die weill du sichst für  
augen/ das die propheceyung aller Propheten/die do von dem Mes-  
sias geweyßsaget/ vnd geschrieben haben/ langest ergangen seind/  
vnd sich clerlich auff Christum zyhen. Jacob. Welche do? Pfar.  
Du hast gehört wie Gott denn Messias will erwecken von weybes  
samen/wie dan Adam ist zugesagt Gen. am ij. ca. Nun stymbt der  
Prophet Esaias am vij. ca. auch darauff/ Gott wirdt euch selbst  
ein zeychen geben/ wen dieser Schilo odder Christus wirdt geboren  
werdenn/ Sich das wirdt das zeychen sein/ Eyn iunckfrau wirdt  
empfaben/ vnd wirdt einen son geben widder der natur lauff/ che  
sie einen man erkent/darumb solls ein zeychen Gotes sein/ das gemein  
natur lauff nicht gegeben kan/ dan alle wunder wergt Gottes sendt  
vber natürlich/ wie dann vberall alls weyt die ganze gschuffte ge-  
spürt wirdt. Jacob. Ey yr wolle mir den Propheten anders ver-  
thalmeyzen den er sagt/ wyßt yr auch was Psula heyst? Pfarher.  
Es heyst ein iunckfrau. Jacob. Sagt doch der prophet nicht psula  
sunder ein Alma sey schwanger/ das ist so viel/ Eynn iunges weyb  
sey schwanger/ vnd wirdt geperen ein son. Pfarher. Du weyßt das  
Alma auff gut deutsch eyn iunge magt heyst/ die mit ehren ein kranz  
tregt/ wie dan wol Erodi am ij. ca. von Moses schwestern zu be-  
weren ist/ die man ein Alma genant hat. Des gleychen auch Rebecca  
Gen. xxiij. Nun ist bey den deutschen keyn vnderseydt iunckfrau/  
vnd maget/ man saget woll so balde das ist ein iunge maget/ alls ein  
iunge iunckfrau/ Verhoffens du wyrßt auch keyn weyt gezent dar/  
aus machen/ vnd auch dabey lassen bleyben/ die weill die wort keyn  
vnderseydt haben. Jacob. Wie soll ichs anders deutthen dan eyn  
iunck weyb wirt ein son gepern/ also stehets im Hebreyschen. Pfar.  
Es ist ye nicht wunder das ein iunck weyb ein kindt gebert/ dann es  
ist der naturliche sitten/ Aber der Prophet nehnt es vor ein wunder/  
wergt Gotes/ das auch vber natürlich sein wirdt/ Was sagstu dar  
zu. Jacob. Der Prophet zeychet hye an eyn gewaldigen König der  
aus diesem kinde werdenn wirdt. Pfarher. Was ist das vor ein kö-  
nig gewest. Jacob. Lest Esaiam am xlv. ca. (Der pfarher wußt nit  
was der Jude hycmit meynet/ darumb saget er zum Richter lychet

Gene.  
3.  
Esa. 7.

Exo. 3.

Gene.  
24.

Esa. 45.



laßt mir mein Biblen holen/ vñnd saget widder zum Juden/ Jacob  
lieber hab nicht verdriess/ Ich mus mich mit dyr vnderreden ab ich  
etwas weytther erfahren kunde/ vñnd in keyner argen wan/ sunders/  
ab Gott zwuschen vnns wolte lassen scheynenn sein ewiges lyecht  
Jacob. Fragt vñnd redt was euch gelyebet/ In dem kam dem Pfar/  
herz sein Biblen/ vñnd laß den Esaiam am xlv. ca. wo er befant das  
yhm der Jud die Propheceyunge auff denn könige Cyrum zyhenn  
wolte/ saget widder den Juden/ Wie magt sich die Propheceyung  
auff den könig Cyrum laurhen/ so er in Syria erschlagen ist/ vñnd  
diesem Messias hat der Prophet anders gesagt/ Esaiam am ix. cap.  
Auff dem königlichen saal Dauidis/ vñnd auff seym reich wirdt er  
sizen/ auff das er das bestetige vñnd befestige/ in gerychte vñnd gerechtigt/  
keyt/ von nun byß zu ewigen zeyten. Nun ist's ye gewyß das weder  
bey dem könig Cyro/ noch bey Dauid/ auch Salomonn keyne vol/  
komende gerechtigkeit gewest ist/ wie woll sie auch mehr dan Cyro  
gewest seindt. Jacob. Wye magt das war sein/ so man doch gnug/  
sam weyß/ vñnd lyst von der gerechtigkeit Salomonis iij. Regum  
am iij. Do findet yr/ das sich das volck verwundert hat/ dann sie  
haben gesehen vñnd erkant die weyßheyt Gottes in ym zu thun das  
gerichte vñnd gerechtigkeit. Pfarher. Ich sage von ewiger gerecht/  
igkeit/ die bey keinem könig ist gewest/ alleynn in Chusto/ wie yhn  
Dauid bekent/ O herz du byst gerecht/ vñnd gerecht ist dein gericht.  
So müssen die andern von nörtten vngerecht sein/ vñnd alls menschen  
auß vernunft gericht habenn/ dan keyn mensch auß vernunft des  
andern hertz erkennen magt/ wie die eygenschafft Gottes thut/ das  
ist auch woll war zumachen mit dem Propheten Esaiam am lxiiij.  
do saget er also/ zu gleycher weyße alls ein besleckt tuch eynes vnrey/  
nen weybes nach yrer krankheyt/ also seindt alle vnser gerechtigkeit  
alls sollte er sagen/ nichts anders dan laster vñnd sünde/ darumb ist er  
alleyn die ewige gerechtigkeit/ wie yhm der Prophet zu eyget/ ewige  
gerechtigkeit vñnd ewige regyrung/ Auch der prophet Micheas am  
lij. cap. Vñnd der herz wirdt vber sie regyren auff dem berge Syon  
hye vñnd byß zu ewiger gezeyten. Jacob. Der prophet meynt hye  
den Schylo alls woll alls Dauid im lxxvij. psalm. der selb wirdt vns  
regyren von ewigkeit. Pfarher. Wie magstu abermalls leucken das  
Messias kommen sey/ so die Propheten alle erfülle sendt wie gesagt/  
dan Jacob hat propheceyet vñnd der zeyt Genesis am xlij. Balam

Esai. 9.

3. Regi  
5.

Esai. 46.

Michi  
4.

Psalm  
67.

Gene.  
49.

B



Num.  
24.  
Diede.  
7.  
Gene.  
49.

der Prophet von dem zeichen Numeri am xliij. Micheas der pro-  
phet vonn der Stadt am v. cap. Nun seindt die propheceyunge alle  
auffeyne zeyt erfüllt. Dan der erzvatter Jacob hat angezeygt die  
zeyt wen dieser Schylo wurde kommen/ redente/ Es wirdt nicht der  
königliche Cepter vñ Jude gewant werdē/ noch das Hyrstumb  
von seynen landen/ byß das der komme/ der do soll gesandt werden/  
vnd dē selbigen werden die vöcker anhangen. Nun ist ia auff die zeyt  
do Christus kommen ist/ der Cepter vonn Juda gereydt gewand  
gewest/ vñnd Herodes der außlendische gereydt kōnig gewest. Auch  
so habt yr alwegen kōnige vnd propheten gehabt/ vnd nyhe ane kō-  
nige vñnd propheten gewest/ allein seyt der gepurt Christi. Jacob.  
In der zeyt des Babilonischenn gefengtnus war auch keynn kōnig/  
warumb kam den Messias nicht. Pfarher. Meynn du weyst woll  
anders/ Warumb was nicht Jeconias kōnig vnd andere mehr/ ab-  
gleych die andern außserhalb dem lande warenn. So lyeß euch Gott  
auch die zeyt nicht ann Propheten/ die euch vorkundigeten die erlö-  
sunge des Babilonischenn gefengtnus/ auff das yr nicht gedechtet  
das Cepter were euch genommen/ vnd Messias were kōmen. Aber  
nun habt yr in sunffzehen hundert iaren vñnd lenger/ weder Cepter  
noch propheten gehabt. Jacob. Wyr haben vnsern Cepter noch  
nyhe gentzlich verlorrn/ sunder alwegen kōnige/ fursten/ vnd propheten  
gehabt. Pfarher. Wo do? Jacob. Wir habenn einen in Babilonien/  
Auch einen in Persienn. Pfarher. Ja es was Daniel in Babilonie zur zeyt  
auch gewaltig/ Des gleychenn Joseph in Egypten/  
sie warenn drum nicht kōnige/ so möchts yetzundt auch zu gehen.  
Jacob. Habt yr auch gehort vom wüten meer/ wie das wütere vnd  
nymer ruget byß auff den Saboth/ do Gott geruget hat/ nach der  
schepffunge/ auff die stundte stehet es still/ vnd wer do handelt/ der  
mus auff die zeyt herüber kommen/ Nun haben wir ein gepott den  
Saboth zu feyren/ vñnd wirdt auch festiglich von vns gehalten/  
Nun weyter es seint xij. geschlecht genßerhalb des meers gewest in  
Egypten/ vnd nicht mehr dan eylffhalb geschlecht seint erüber ko-  
men im außgange/ die selbigen habenn alwegen Propheten bey sich  
gehabt/ die selbigen haben erwart/ wen sie Gott wolte heym suchen/  
vñnd erlösen/ vñnd diesen vergangnen Sommer hatt Gott sie mit  
gnaden heym gesuchte/ dan das wasser wie yr gehort habt/ hat nur  
den Saboth still vorgestanden/ odder diesen Sommer auff ein zeyt

Gene. 1.



hatß angefangen auff den Saboth/ vnd acht tage in rugen geflan-  
den/ So habenn die Propheten zum volcke geruffenn/ das sie sollen  
ansehen/ das sie Gott erlösen wolte/ drumb sollen sie aufgehenn in  
das gelobte lande/ das yhn Gott versprochen hatte. Saget  
weyher das sie yr Legaten beym Keyser der Turcken gehabt/ vnd  
yn gebetthen/ das er yn wolte ein rawmen das gelobte lande/ dann  
Gott hetß yren vettern/ vnd yn eingegeben/ Darauff der Turcke ge-  
antwort hat/ die weylls yrer vatter ist gewest/ vnnnd von Gott yhn  
gegeben/ er wolte es yn verkauffen/ darauff die Juden widder ge-  
antwort Gott hetß es yn gegeben/ darumb wollten sie es nicht kau-  
ffen/ sinder mit dem schwerdt gewyn/ vnd zeygte an das der Keyser  
der Turcken/ vñ die rothen Juden yetzundt mit dem schwerdt vmb  
das gelobte lande fechten. Pfarher. Ist yr dann so viel/ das sie so  
mechtig seindt. Jacob. Ja yr ist zu sechsmall hundertmall tauent/  
das byn ich gewyß. Auch wirts neulich in druck kommen/ der Jude  
was vast ein beredt man/ auch auff neunnerley sprachen wol gelart/  
drumb stundts der Pfarher zu frieden. Pfarher. Jacob ich lasse zu  
das yr Iherusalem widder vberkommet/ Aber ich lasse nicht zu das  
yr das köngliche Cepter widder erlanget/ sinder die oberkeyt/ denn  
Turcken oder Chrusten bleyben wirdt. Dann die Heyden haben nyhe  
keinen Judischem köning wollt habenn noch leyden/ sinder alwegenn  
sich mit gewalt widder sie gesatzt. Allein von diesem Schylo/ oder  
Messias stehet geschrieben/ das yn die Vöcker vnd Heyden werden  
zufallenn. Jacob. Darumb hat ewer Chrustus so groß lant schaffe  
gehabe. Pfarher. Sag mir Jacob/ welcher köning ist auff erdenn ye  
so gewaldig/ vnd so angenē gewest/ an den die Heyden so hefftiglich  
geglaubet hettenn/ als ann den Judischem köning Chrustum/ vmb  
welchs willen viel tausent Heydenn seindt gemartert worden/ allein  
yr Juden seyt so hart in ewrem syn/ vnd wolle nicht an ewer eygen  
blut vñ fleysch glauben. Ja. Wie solte ich an ein menschē glauben/  
der do gestorben ist. Pfarher. Jacob so du erkentest die verborgen/  
heyt des glaubens/ du redtest nicht also. Meynstu das Chrustus  
reich sey/ ein eußerlich reich/ wie es David vnnnd Salomonn gehabt  
hat/ Meyn/ Chrustus reich ist ein vnsehtig reich/ wie er zu Pilato  
saget/ es sey sein reich nicht von dieser welt. Die weill dann Messias  
reich wirdt ewig/ wie du bekant hast/ vnd auch nicht laucken kanst  
das Messias wirdt ein mensch sein/ nun ist ye gewyß das alle men/  
Bij



schen sterben müssen/ darumb kan kein lauteher mensche nicht ewig  
regyren. Also must dieser Chustus auch vonn ersten sterben/ vnd  
vom todte widder auff stehen/ zu eynem vnsterblichen leben/ solte  
er anders ewig regiern/ Also regiert Christus nicht eusserlich/ wie du  
meynst/ alls andere Könige vnd herin thun/ sunder regiert die seinen  
geystlich im glauben. Es ist aber vnmöglich/ ein vest hauß auff ein  
sant zu bauen/ Auch der vsinnigen sitte/ wenn sie sehen das sie  
uberwunden seindt/ fallen sie in lesterunge/ vnd können nichts mehr  
dan zeether schreyen/ Also thut Jacob auch. Jacob. Was wollest  
mir viell vonn ewrem Chusto sagen/ weyß ich doch das er mit Si-  
mon am hymell geflogen hat vnd gesagt er sey Gottes son vnd ist  
widder herunder gestoffen. Pfarher. Wo steht das geschriebenn.  
Jacob. Ich weyß woll/ aber Jacob bracht keyn schrieffe fur/ dar-  
umb der pfarher von ym ablyeß/ dan es nicht nutz ist/ den sawen die  
Edlen perlenn furzuschutten. Pfarher zum richter. Gott saget zum  
heydnischen weybe/ Es ist nicht gut das mann nymbt das Brode  
den kunden/ vnd gybt es den hunden. Wyr wolln es Gott beuelhen  
der schaffs nach seinem Göttlichen willen/ der sey gelobet vnd gebe-  
nedeyet in ewigkeyt/ Amen. Jacobs knecht stehet auff satteln  
vnd Jacob nymbt seynn abscheyde vom Pfarher/ vnd  
reythe/ bringet ym zur lege ein trunck/ vnd gesegnet den  
pfarher. Pfarher. heyst yn reythen in gotes geleyth.

*Noluit intelligere ut bene ageret/ Benedictionem  
noluit et clongabitur ab eo.*